

ZENIČKO-DOBOJSKI KANTON
SKUPŠTINA

Komisija za izbor i imenovanja

Na osnovu člana 33. Poslovnika Skupštine Zeničko-dobojskog kantona-Novih Prečišćeni tekst («Službene novine Zeničko-dobojskog kantona», broj: 7/12 i 12/13), a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 29. stav 2. i člana 30. Zakona o unutrašnjim poslovima Zeničko-dobojskog kantona - Prečišćen tekst ("Službene novine Zeničko-dobojskog kantona" broj: 15/04, 11/05 i 9/09), Komisija za izbor i imenovanja Skupštine Zeničko-dobojskog kantona, na 32. sjednici, održanoj dana 07.07.2014. godine, o b j a v l j u j e:

J A V N I O G L A S
za izbor članova Nezavisnog odbora za izbor i reviziju

Zakonom o unutrašnjim poslovima Zeničko-dobojskog kantona ustanovljen je Nezavisni odbor za izbor i reviziju, kojeg imenuje Skupština Zeničko-dobojskog kantona na prijedlog Komisije za izbor i imenovanja Skupštine kantona.

Nezavisni odbor se sastoji od sedam članova: dva predstavnika Ministarstva unutrašnjih poslova i pet članova iz reda građana (ugledni stručnjaci iz oblasti pravnih i kriminalističkih nauka i ljudskih prava, koji nisu predstavnici političkih stranaka).

Nadležnosti Nezavisnog odbora

U procesu imenovanja i smjene policijskog komesara Nezavisni odbor:

1. raspisuje javni konkurs;
2. razmatra prispjele prijave;
3. vrši selekciju i odabir odgovarajućih kandidata;
4. predlaže kandidata za policijskog komesara ministru;
5. razmatra sve žalbe na rad policijskog komesara uključujući i žalbe građana;
6. razmatra prijedloge Skupštine, Vlade ili ministra o smjeni policijskog komesara;
7. predlaže smjenu policijskog komesara u slučaju ispunjenja sljedećih uvjeta:
 - a) dokazanog krivičnog djela ili teškog disciplinskog prekršaja;
 - b) primjene člana 75. Zakona o unutrašnjim poslovima;
 - c) izdavanja od IPTF-a izvještaja o nepridržavanju dogovorenih pravila;
8. ocjenjuje cjelokupan rad policijskog komesara u slučaju ponovnog imenovanja za drugi mandat.

Status

Nezavisni odbor se imenuje na period od četiri godine. Članovi Nezavisnog odbora između sebe biraju predsjednika i potpredsjednika u skladu sa Poslovníkom o radu Nezavisnog odbora. Način rada Nezavisnog odbora propisan je Poslovníkom o radu.

Članovi Nezavisnog odbora imaju naknadu za rad u Nezavisnom odboru, utvrđenu Zaključkom Komisije za privredu, ekonomsku i finansijsku politiku, budžet i finansije Skupštine Zeničko-dobojskog kantona o novčanim naknadama i drugim pravima članova Nezavisnog odbora za izbor i reviziju, broj: 01-28-10151-2-1/14 od 22.05.2014. godine, kao i pravo na naknadu za troškove prevoza za svaki dolazak na zasjedanje Nezavisnog odbora u iznosu od 20% od cijene litra goriva po pređenom kilometru.

Uslovi koje kandidati treba da ispunjavaju

Za članove Nezavisnog odbora mogu biti izabrani kandidati koji ispunjavaju sljedeće opće i posebne uvjete:

1. Opće uvjete:

- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije objavljivanja upražnjene pozicije,
- da se na njih ne odnosi član IX.1. Ustava Bosne i Hercegovine.

2. Posebne uvjete:

- da imaju visoku stručnu spremu,
- da su ugledni stručnjaci iz oblasti pravnih i kriminalističkih nauka i ljudskih prava, (osim kandidata za predstavnike Ministarstva unutrašnjih poslova),
- da nisu članovi ili predstavnici neke političke stranke,

- da nisu trenutno ili da nisu bili na bilo kojoj poziciji u političkoj stranci na bilo kojem nivou,
- da nisu postavljeni ili da nisu bili postavljeni na bilo koju poziciju od strane političke stranke,
- da nisu trenutno ili da nisu bili članovi izvršnog ili zakonodavnog tijela na bilo kojem nivou,
- da ne postoji izvještaj o nesaradnji izdat od strane Međunarodnih policijskih snaga,
- da nisu krivično osuđivani

Po eventualnom pozivu Komisije kandidati su dužni dostaviti podatke o ranijim rukovodiocima od kojih Komisija može tražiti informacije i preporuke o kandidatima.

Sa kandidatima koji budu stavljeni na Listu užeg izbora Komisija će obaviti intervju.
Prijave kandidata treba da sadrže kraću biografiju, adresu i kontakt telefon ili fax.

U svrhu dokazivanja ispunjavanja općih i posebnih uvjeta, kandidati su dužni uz prijavu podnijeti i slijedeću dokumentaciju, kao dokaze, (originalne ili ovjerene kopije):

- izvod iz matične knjige rođenih,
- uvjerenje o državljanstvu ili ovjerenu fotokopiju važeće lične karte,
- diplomu o stečenoj stručnoj spremi,
- ovjerenu izjavu za uvjete iz alineje 2. i 3. općih uvjeta, (ne stariju od šest mjeseci) i za uvjete iz alineje 3., 4., 5., 6. i 7. posebnih uvjeta, (ne stariju od šest mjeseci).

Dokaz o ispunjavanju uvjeta iz alineje 8. posebnih uvjeta, Komisija za izbor i imenovanja će pribaviti po službenoj dužnosti od nadležnih organa, shodno odredbi člana 227. stav (2) Zakona o krivičnom postupku Federacije BiH, poslije isteka roka za prijavu na javni oglas i pregledavanja svih dostavljenih prijava kandidata i priložene dokumentacije, (za one kandidate koji budu ispunjavali sve druge propisane uvjete).

U slučaju da u dostavljenim dokazima, izdatim od nadležnih organa, postoje određene nejasnoće koje dovode Komisiju za izbor i imenovanja u dilemu oko ispunjavanja nekih od propisanih općih ili posebnih uvjeta ovog oglasa, Komisija zadržava pravo da službenim putem traži o tome odgovarajuće pojašnjenje, ili mišljenje od nadležnih organa, kao i dostavu odgovarajućih akata kao dokaza datog pojašnjenja odnosno mišljenja.

Ograničenja izbora

Kandidat za člana Nezavisnog odbora ne može biti član ili predstavnik bilo koje političke stranke. Osoba koja jeste ili koja je bila na bilo kojoj poziciji u političkoj stranci na bilo kojem nivou ili postavljena na bilo koju poziciju od strane političke stranke i osoba koja jeste ili koja je bila član izvršnog ili zakonodavnog tijela na bilo kojem nivou ne može biti imenovana za člana Nezavisnog odbora, kao i osoba protiv koje su Međunarodne policijske snage /IPTF izdale izvještaj o nesaradnji.

Javni oglas će biti objavljen u «Službenim novinama FBiH», dnevnom listu «Oslobođenje» i na web stranici Zeničko-dobojskog kantona, www.zdk.ba

Oglas ostaje otvoren 15 (petnaest) dana od dana posljednje objave.

Komisija za izbor i imenovanja Skupštine Kantona će:

- pregledati sve prijave koje pristignu u propisanom roku,
- na osnovu principa iz člana 3. Zakona o ministarskim, vladinim i drugim imenovanjima Federacije Bosne i Hercegovine i kriterija za imenovanje sastaviti listu s užim izborom najuspješnijih- najboljih kandidata koji ispunjavaju sve propisane kriterije za imenovanje,
- pozvati sve kandidate sa liste s užim izborom, odnosno one koji budu ispunjavali sve propisane uslove i budu priložili traženu dokumentaciju, na intervju.

*Prijave se dostavljaju lično ili preporučenom poštom sa naznakom " prijava na javni oglas za izbor članova Nezavisnog odbora za izbor i reviziju - ne otvaraj" na adresu: **Zeničko-dobojski kanton - Skupština - Komisija za izbor i imenovanja, ulica Kučukovići broj 2, Zenica.***

Neblagovremene i nepotpune prijave neće biti uzete u razmatranje.